

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADONAČELNIK**

Broj: 02-45-256/23  
Zenica, 11.01.2023. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), člana 234. i 247. Zakona o privrednim društvima ("Službene novine Federacije BiH", broj: 81/15 i 75/21), a u vezi sa odredbom člana 29. Statuta Javnog preduzeća „ZENICAGAS“ d.o.o. Zenica, broj: OPU-IP:493/18, OPU-IP: 601/18, OPU-IP:422/20 i 02-45-1191/22, u postupku izbora i imenovanja Nadzornog odbora Javnog preduzeća „ZENICAGAS“ d.o.o. Zenica, Gradonačelnik Grada Zenice, objavljuje

**O G L A S  
za izbor i imenovanje Nadzornog odbora  
Javnog preduzeća „ZENICAGAS“ d.o.o. Zenica**

Objavljuje se Oglas za izbor i imenovanje Nadzornog odbora Javnog preduzeća „ZENICAGAS“ d.o.o. Zenica.

Nadzorni odbor Javnog preduzeća „ZENICAGAS“ d.o.o. Zenica se sastoji od tri člana (predsjednik i dva člana).

Mandat predsjednika i članova Nadzornog odbora je četiri godine, uz mogućnost ponovnog imenovanja.

**I OPIS POZICIJE**

Nadzorni odbor Javnog preduzeća „ZENICAGAS“ d.o.o. Zenica ima sljedeće nadležnosti: nadzire rad Uprave Preduzeća; priprema i predlaže Statut, poslovničke i druge akte koje donosi Skupština; imenuje i razrješava članove Uprave u skladu sa postupcima utvrđenim Zakonom, Statutom i drugim važećim propisima; vrši izbor kandidata za članove Odbora za reviziju i dostavlja prijedlog Skupštini; utvrđuje prijedlog cijene plina i drugih usluga Preduzeća; donosi Pravilnik o javnim nabavkama i nadzire njihovo provođenje; daje mišljenje Skupštini o prijedlogu Uprave Preduzeća za raspodjelu dobiti; daje upute upravi za provođenje mjera i aktivnosti kod uočenih nepravilnosti; daje ovlaštenje direktoru Preduzeća za aktivnosti ograničene Zakonom o javnim preduzećima; nadzire provođenje i primjenu preporuka Odbora za reviziju i vanjskog revizora; na prijedlog direktora Preduzeća, a uz obaveznu prethodnu saglasnost Skupštine, donosi opće akte kojima se reguliše unutrašnja organizacija i sistematizacija radnih mjesta, plaća i naknada radnika; usvaja izvještaj o poslovanju Preduzeća po polugodišnjem i godišnjem obračunu sa izvještajem revizije; podnosi Skupštini godišnji izvještaj o poslovanju koji obavezno uključuje izvještaj revizora, izvještaj o radu Nadzornog odbora i Odbora za reviziju i Plana poslovanja za narednu godinu; utvrđuje prijedlog trogodišnjeg plana poslovanja i usvaja godišnje planove poslovanja; odobrava kupovinu, prodaju, zamjenu, uzimanje u lizing, uzimanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine Društva, po bilansu stanja na kraju prethodne godine; formira povremene komisije, utvrđuje njihov sastav i zadatke; odlučuje i o drugim pitanjima u skladu sa zakonom, statutom i aktima osnivača.

Kandidati za imenovanje moraju ispunjavati:

- opće i
- posebne uslove.

## **II Opći uslovi za imenovanje su:**

1. da je stariji od 18 godina,
2. da je državljanin Bosne i Hercegovine,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije objavljivanja upražnjenje pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13),
6. da nema privatni-finansijski interes u društvu u čiji se nadzorni odbor kandiduje,
7. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti Federacije BiH ("Službene novine Federacije BiH", broj: 70/08),
8. da nije član nadzornog ili upravnog odbora ili odbora za reviziju ili skupštine, uprave ili menadžmenta, niti u svojstvu ovlaštene osobe nekog privrednog društva ili institucije,
9. da nije osuđivan za krivično djelo i za prekršaj nespojiv sa dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne,
10. da nije lice kojem je presudom suda zabranjeno obavljanje aktivnosti u nadležnosti nadzornog odbora,
11. da nije stariji od 70 godina na dan imenovanja.

## **III Posebni uslovi za imenovanje:**

- VSS-VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja,
- najmanje tri (3) godine radnog iskustva u struci nakon sticanja visoke stručne spreme, odnosno visokog obrazovanja,
- da kandidat posjeduje certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova nadzornog odbora i uprava privrednih društava sa učešćem državnog kapitala ("Službene novine Federacije BiH", broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22).  
Ukoliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od šest mjeseci od dana imenovanja proći stručno usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidatu u postupku usavršavanja iz člana 7a. Uredbe,
- sposobnost za savjesno, odgovorno i odlučno obavljanje upražnjene pozicije,
- sposobnost nepristrasnog donošenja odluka,
- komunikacijske i organizacijske sposobnosti,
- rezultati rada ostvareni tokom poslovne karijere,
- da posjeduje znanje iz oblasti rada i organizacije komunalnih preduzeća,
- preporuke ranijih neposrednih rukovodilaca.

## **IV Potrebni dokumenti:**

Svojeručno potpisana prijava kandidata treba da sadrži kraću biografiju, adresu i kontakt telefon.  
Uz potpisanu prijavu kandidati trebaju dostaviti:

1. diplomu o završenom visokom obrazovanju,
2. dokaz o traženom radnom iskustvu (potvrda iz koje se može utvrditi radno mjesto, tražena stručna sprema za radno mjesto i dužina radnog iskustva),
3. uvjerenje o državljanstvu (ne starije od 6 mjeseci),
4. certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova nadzornog odbora i uprava privrednih društava

sa učešćem državnog kapitala ("Službene novine Federacije BiH", broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22).

Ukoliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od šest mjeseci od dana imenovanja na poziciju proći stručno usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidatu u postupku usavršavanja iz člana 7a. Uredbe (izjava ne smije biti starija od datuma objave ovog Oglasa).

5. izjavu kandidata ovjerenu od strane nadležnog organa o činjenicama nabrojanim u tačkama 3. do 8. Općih uslova Oglasa (sve navedene izjave mogu biti tekstualno sadržane na jednom ovjerenom listu i ne smiju biti starije od datuma objave ovog Oglasa).

Uvjerenja kojim se dokazuje ispunjenost općih uslova za imenovanje iz tačke 9. i 10., odgovorni javni službenik će zatražiti od kandidata koji bude predloženi za konačno imenovanje. Kandidati koji budu izabrani dužni su dostaviti tražena uvjerenja u roku od 5 dana od dana izbora i ista ne smiju biti starija od datuma objavljivanja Oglasa.

**Dokumenti koji se prilažu uz prijavu na Oglas moraju biti originali ili ovjerene kopije.**

Oglas za podnošenje prijava ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH“, dnevnom listu „Oslobođenje“ i na web stranici Grada Zenica.

Neblagovremene, neuredne i nepotpune prijave neće se uzeti u razmatranje.

Kandidati koji ispunjavaju uslove Oglasa bit će telefonski i pismeno obaviješteni o mjestu i vremenu obavljanja intervjua.

**Prijavu na Oglas, sa svim traženim dokumentima, potrebno je dostaviti lično ili preporučeno poštom na adresu:**

**GRAD ZENICA**  
**Služba kabineta Gradonačelnika**  
**Trg Bosne i Hercegovine broj 6.**  
**72 000 Zenica,**  
**- Komisija za izbor -**  
**sa naznakom:**  
**"Prijava na Oglas za izbor i imenovanje**  
**Nadzornog odbora Javnog preduzeća ZENICAGAS d.o.o. Zenica**  
**- NE OTVARATI"**

**GRADONAČELNIK**  
**Fuad Kasumović**